

鐵

厓

樂

府

註

鐵厓樂府註卷之六

目錄

門人富春吳俊類編

金溪孝女歌

楊佛子行

金處士歌

彭義士歌

盧孤女

孔節婦

陳孝童

強氏母

蔡君俊五世家慶圖詩

鐵面郎

并引

奉使歌

春草軒詞

萱壽堂詞

傳道人歌

并引

留肅子歌

洪州矮張歌

并引

秀州相士歌

并引

禽演贈丁道人

冶師行

艾師行贈黃中子

醫師行贈袁煉師

芝秀軒詞

四章

壽岩老人歌

并引

已上凡二十有六首皆詞詠一時忠臣烈士貞

女孝童仁人隱士之遺事於太史氏之所未錄

者蓋可為一代之詩史矣其激揚世教豈小補

哉復識

鐵厓樂府註卷之六

諸暨楊維禎庶夫著 同邑後學樓卜瀍西濱註

門人富春吳復編

金 鑑豐來

周國憲立文 訂

金溪孝女歌

唐敬宗時撫之金溪有金銀場銀戶葛佑者輸銀
不足監官黃懷榜佑垂死佑二女投銀冶中化銀
二錠事聞遂罷銀場金溪為二女立廟至今血食
危太樸有卷求余詩為賦孝女歌云

金溪石石生銀鑿石石有盡銀令無時磷昨夜銀官下

叶

山頭點銀戶。葛家父無丁。惟二女。葛家父苦楚。苦楚與死。
鄰二女痛父。閔一身。駢首跳冶。裂焰闇。音叶裂焰焚身。不焚。
二女心。天慘慘。神森森。化作雙白金。雙白金。盛龍錦。願作
萬壽卮。以奉天子飲。一飲銀鬼泣。再飲銀令寢。身一作二女

楊佛子行

楊佛子越之諸暨人

生宋淳熙光宗朝

幼知事母。母病危

佛子刲股肉進母。母食病立愈。母歿廬墓側。恒有
馴鳥集墓樹。隨佛子往返。佛子素患癭。癭大如盎。
道逢異人以掌訣移之。背郡縣上孝感狀。將表其
閭。佛子辭遂止。年九十歲。安陽韓性既為佛子作

傳同里陳敢復作揚佛子行

諸暨縣北楓橋溪。楓橋溪水上接顏烏栖。其下一百二十里合萬和水。萬和孝子廬父墓。墓上芝生。莢楊生。佛子與萬和孝子齊。六歲懷母果。二十為母嘗百藥。藥弗醫。啖母以肉。將身割。母病食肉起。其神若刀圭。母死返九土。常作嬰兒啼。倚廬宿苦塊。棄隔妾與妻。嗟哉佛子。孝行絕人。人不識。感鬼神。頰上生瘤。大如尊。何人戲手。瘤上捫。明朝恠事駭妻子。頰下削贅。無瘤痕。背上一掌印。爭來看奇痕。墳頭木共白兔馴。更遣迎送烏成群。傍人竹弓不敢彈。豈比八九雛生秦。縣官上申聞。旌戶

復其身佛子走告免稱主臣主臣嗟哉佛子誰婉稱令
之人有办股乳詭孝子以為名規免徭征以希其旌嗟
哉佛子誰婉稱無留癰一作無留根

金虜士歌

吳人金可文賢智有才藝而自埋於民衆嘖然以
虜士稱之權貴人以邱園科起虜士虜士絕之曰
予幸有廬一區在市閭可以避風雨田一廛在都
外可以給衣食學聖人之道可以自樂不願仕也
且仕榮利祿隱樂真素苟以相易彼此而垂垂而
強合吾不能已吁虜士如可文信其逸而貞者歟

故集賢舊老相與署牒錫號曰貞逸會稽楊維禎
為之賦詩曰

蘇州古隱君。實始虞仲。隱居放言中。乎清與樞。次曰澹臺。
氏言不枝。行不逕。未嘗匄走諸侯前。五噫之夫。將其匹。聯
耕織為業。不廢誦與絃。亦有天隨仙。配鵠夷子理。釣船去
之五百年。求繼者孰賢。闔閭古城陰。曰有處士氏。曰金長
身而美髯。叶風局孤以古。古貌疏且沉。家不失箴。里不失
任。有餘推與人。矧肯爵祿入吾心。心闕下足終南。叶貧賤
易屈富貴易淫。故大隱在閨市。不在壑與林。鳳凰不能引
高。神龍不能引深。叶人呼為處士。更加逸與貞之號焉。知

古不如來今。吾嗟今之士。既隱邱園。復事王侯。行無補闕。言無裨謀。惟祿食是媒。叶詭貞而隱。詭逸而休。以為吾人憂放。而返澗。患岳隴羞聞虜士風。其不泚然在顏。豈吾人儔。

詩從別本吳編疑多錯簡

按家語澹臺滅明武城人吳地有滅明冢五噫見卷二荆釵曲將其匹謂偕妻孟光隱於吳也潛確類書陸龜蒙字魯望自號天隨子性野逸無羈檢時乘一小舟說蓬席費一束書筆床茶竈釣具擢船即而已人謂江湖散人鴟夷子見卷三五湖遊世說補盧藏用初隱終南少室二山時有意當世目為隨駕隱士晚年乃徇權利司馬承禎還山藏用指終南曰此中大佳虜承禎徐曰以僕視之乃仕宦之捷徑耳孔稚珪北山移文南嶽獻嘲北隴騰笑又

林慚無盡澗愧不歌

彭義士歌

義士元履盱江人

八十長者新城彭一生好義不好名天歷飢告江南岷官
家鬻爵令新行嗟哉我彭粟有盈內粟不與官爵爭豈惟
內粟爵不爭民有乏逋我代庚之力我又代民耕民流過
門給炊烹吁嗟爾民昌報彭期以八百之長生

元史文宗紀天歷二年江洲行省言池州廣德寧國太
平建康鎮江常州湖州慶元諸路及江陰州飢民六十
餘萬戶當賑糧十四萬三千餘石從之按是歲陝西諸
路飢行省請富家納粟補官河南廉訪司言河南路飢
乞行入粟補官之令左傳告登首山以呼曰庚癸乎則
諾杜預注庚西方主穀癸北方主水史記舜紀注彭祖
陸終氏第三子篋鏗之後後為大彭亦為彭祖自
堯歷夏殷封於大彭八百歲當會村人於慢亭

盧孤女

盧孤女年十五官家新條括童女東家媒娘傳巧語盧家

郎選東床奈郎自有婦妾使余不當蚤知急婚事如此悔
不官家作驅使上堂拜姑身未知下堂失身惟有死歸來
抱琴彈高樓苦調不作離鸞愁東家聘西家求明珠火貝
爭委投河可乾石可泐盧家女節不可勒生作隻影蛾死
作獨根柏嗚呼丈夫腐節隨草莽阿盧之風齊砥柱若道
錢唐女淫苦安得有此盧家女

元史順帝紀至元三年五月民間訛言朝廷拘剃童男
童女一時嫁娶殆盡水經注砥柱者禹治洪水山陵當
水者鑿之故破以通河河水多流
包山見水中若柱然故曰砥柱

孔節婦

有美丈夫子玉質長髯鬚自言五十五代孔子之孫儒其

母曰陶大家大家生兒六月餘丈夫子即稱孤零丁未保
麒麟雛大家一節誓不渝身有死不二夫與孤為命相噫
嗚保抱不啻琉璃珠但願孤長壽暨我門戶扶我與天助
孔嗣孤無虞五歲解讀書十歲能當閤二十作賦喧三吳
竭來大家八十踰孤三釜心何如紫微相君新下車上推
先聖恩及孥荐書上達天王都承恩歸來拜起居堂上鶴
髮霜顏都烹羊擊鮮婦當厨里中姆謹相呼孔家生兒天
與渠康之阜曲阜俱康之水流泗洙曰貞曰孝表一廬楊
子作詩歌不誣他日太史春秋書

陳書徐陵年數歲家人携候寶誌上人寶誌摩其頂曰
天上石麒麟也蜀都賦殆而竭來相與大人賦四車竭

來兮絕道不固何遜行經孫氏陵詩竭來已永久年代
暖微微李白懷友人岑倫詩竭來已永久類思如循環
又送王屋山人魏萬詩竭來遊嵩峯羽客何雙雙又感
興詩竭來荆山客誰為珉玉兮按韻會竭去也又發語
詞通雅竭來猶何來也莊子寓言曾子再仕而心再化
曰吾及親仕三釜而心樂後仕三千鍾不洎吾心悲

陳孝童

孝童名福越之錢清人年十歲侍母藥病衣不解
帶母病甚水漿粒食不進口中夜潛出後庭泣於
天曰我母病將死吾何依剗股代藥天其從我乎
股剗而母已死人謂剗股多救母童不能不亦妄
譽乎予謂童知愛親天之無偽者也剗股救母知
有其親而不知有其身也又豈知有名哉季世奸

民有舛股。乳規免賦徭者。若童又豈有賦徭而為是哉。割股童之天也。母之救不救亦天也。予居與童隣。親觀其事。可以宏獎風教。遂為賦詩。

錢清陳孝童。十歲知孝。母病。日以革藥餌。空吟咀。夜庭人不知。磨刀去剔股。凡兒血肉軀。軀小痛榘榘。孰識身在親。慘毒至刀斧。隣里聞孝童。涕泗下如雨。道路聞孝童。過車式其戶。堂堂士大夫。結髮在庠序。母背忍絕裾。母喪亡捧土。我作孝童詩。豈惟風童孺。

吟扶古切音釜咀再呂切
雖上聲說文吟咀含咏也

强氏母

毘陵強可事母以孝聞母年踰八袞可方以鄉校
官調轉湖州從事感事母之日短遂以侍親致事
得陞承事郎浙東帥府從事由是併得封母夫人
縣君今年至正戊子十一月二十三日長至適為
夫人初度日也母子恩命皆以是日至故為賦燕
喜詩一首俾令官歌之

強氏母毘陵人年已八十又一春強家郎未七旬五十八
官教邑民六十轉官在隣郡大府婉畫方咨詢守將急移
檄候吏持在門強家郎捧檄告母母欣欣一笑還一嚔庭
前大樹風不傳孝子惜陰寸寸勤強家郎養母素不負食

有祝鯁寢有五色裯其肯貪天之祿一日離其親年未及
致事辭檄奉晨曛中書重爾天性真馳文箋天天不嗔賜
爾孝子七品秩緋衣始妯青絲綸強氏母隨牒封邑君一
陽復為生辰邑官里老走僦上堂與母千百壽烹羊炮
豕羅鯨珍強家母抱牒謝天恩強家郎百拜百舞稱靈尊
日日起居太夫人項間壽帶日見護條文眼前離立五世
之兒孫強家母壽無匹榮無倫

兒孫一作諸孫

給過合切庵入聲妯奴
答切音納始妯聚物也

蔡君俊五世家慶圖

蔡家肉譜繇司徒西蜀蔓衍雲間居胡笳一洗怨女孤世

世解讀中郎書傳家五葉忠孝俱鬱蔥佳氣無時無有母
有母徐鄉徐生兒滾滾麒麟駒檜巖君俊父老仙老不枯巖
前獲桂雲敷腴繡輿從以斑斕裾或拜或立或步趨登堂
好美如羣魚中有一人美且都栢垣成陰返慈烏平反一
笑堂上娛春衫初試如舞雩樵青漁童侍兩隅座中有客
皆鴻儒晴簾花吹引香篆午窻竹雨鳴茶爐不知人間有
金屋弱海之外為蓬壺至今諸孫稅襦濡文采箇箇成於
菟玉階清夢追爾祖種德政與槐陰符太夫人在錫冠帔
曾元滿眼紆青朱紆青朱勝買丹青添畫圖

內譜或作內
請稅襦或作

六帖唐李守素署天策府倉曹通世姓之學世號肉譜
虞世南與人論人物江左山東尚相對至北地則後而
不答嘆曰肉譜定可畏杜甫徐卿二子歌並是天上麒麟
麟兒又積善聚來生公侯漢書雋不疑為京兆尹每錄
因徒還其母問不疑多所反母喜而食或無所出則
其母怒而不食唐書張志和傳帝賜奴婢各一志和配
為夫婦奴曰漁童女曰樵青東坡詩未省老兔生於菟
言子由生子也子由命屬卯左傳楚人謂虎曰於菟

鐵面郎美趙御史也

鐵面郎不願白玉堂願著錦衣裳上明天耳目下見人肝
腸江南使者欺天隱黃金車馱寔虛牝忽為青天近天目
峰前見秋隼父老出郭門焚香拜使君使君天上斗斟酌
元氣成冬春成冬春立皇紀董狐已脩三國史柱下惠文
湏出理江南驄行且止萬一諛邪塞天耳手持堯時屈軼

枝獨立殿前言國是鐵面郎真御史

按宗太宗飛白書玉堂之署今以稱翰林昔人詩所謂
白玉堂前一樹梅者正指此趙公其由翰林而遷御史
者耶漢書百官表侍御史有繡衣直指出討姦滑治大
獄顏師古注衣以繡者尊寵之也韓愈詩有似黃金擲
虛牝注虛牝謂谿谷也天目山在杭州隼鵠屬鷲鳥也
元史順帝紀至正三年四月詔脩遼金宋三史漢官儀
侍御史周官也為柱下史冠法冠一名柱後以鐵為柱
言其審固不撓常清峻也亦稱惠文冠續漢書桓典為
侍御史執法無所避常乘駟馬京師畏之為之語曰行
行且止避駟馬御史博物志佞人入朝屈軼草指之劉
向新序楚莊王問國是孫叔敖曰國之有是衆非之所
惡也東坡集趙汴為殿中侍御史彈劾不避權倖京師號
鐵面御史

奉使歌美答理麻氏也

至正乙酉天子遣天下奉使凡十二道三十有六

人偉元氏答理麻在選中巡察西川司臬吏舞法
首擊治之方面貴臣有驕而弗讓者亦糾詰之時
政梗民必思痛豁去如鯁在咽必吐乃已彼不答
理如者如工尹商陽之兵殺三人以為不如是不
足以反命事不幸類此而况生殺者皆不當法乎
此西川使者之可歌也

皇帝五年秋皇華遣使行九州皇明明見萬里外猶恐陰
瞋生蜉蝣奉使代天明四目達九幽假天喜怒私恩讐欺
皇明是非一逆海倒流其中答理子西邊托週遊西邊有
鳥其名爲休留復有老狐九尾而九頭扇妖作怪呼匹儔

駿我赤子血上蔽十二旒力大泰山不可拔答理子一觸
泰山折之如不周嗚呼漢有張綱衛有史鰌元有答理足
追前猷太史筆不貶褒我作歌詩繼春秋

檀弓曰王尹商陽與陳棄疾追吳師及之陳棄疾謂工尹
朝不坐燕不與殺三人亦足以反命矣休留恠鳥陸佃
曰釋鳥所云怪鷗是也其鳴即雨為國可以聚諸鳥一
名隻狝畫無所見夜即飛散蚊蟲莊子謂鷗鷗夜撮蚤
察毫末畫出瞑目而不見邱山酉陽雜俎天狗九尾山
海經青邱之國有狝九尾列子共工氏與顓頊爭帝怒
觸不周之山折天柱絕地維續漢書張綱為侍御史安
帝時遣八使按行郡縣張綱獨埋其車輪於洛陽都亭
曰豺狼當道安問狐狸遂奏大將軍梁冀兄弟史鰌即
史魚也按元史答理麻傳載其拜監察御史劾丞相帖
木迭兒專權貪肆風紀大振擢河東道廉訪副使改燕
南道廉訪副使至治元年除濟寧路總管泰定元年陞

福建廉訪使遷荆西廉訪使天歷三年遷淮東廉訪使
明年召拜刑部尚書元統元年陞遼東行省叅知政事
元統三年遷山東廉訪使除大都路留守政績甚多即
繼以至正六年遷河南行省右丞改翰林學士承旨遷
陝西行臺中丞致事優養而於至正五年巡察西川並
不之及又順帝本紀亦第云時諸道奉使皆與臺憲互
相掩蔽惟京畿道定之湖廣道拔寔糾舉無避而於答
理府並不之及故詩云太史筆不貶褒我作歌詩繼春
秋蓋以補元史之闕也

春草軒辭

昆陵華孝子幼武六歲而孤上事其母以純孝聞
嘗自取孟郊游子詞名其所居軒曰春草子為體
游子意賦春草詞

春暉遲下春雲暖春草軒前草長短中有百歲宜男花一

色青蚨綴枝滿青蚨子母生死恩草有靈芝生孝門春暉
照人春不老芝草闌干芝有孫當時夢生芝草綠瑶草琅
玕樓別鵲孤兒日長草忘憂錦裯護兒如護玉春菲菲草
油油千金駿馬五花裘吁嗟兒今母好遊銅駝陌上春風
愁草萋萋春杲杲遊子歸來在遠道堂前何以報春暉身

上春袍照春草

瑶草一作瑶圃

搜神記南方有虫名蠹蝓一名蜚蠊又名青蚨形似彈
而稍大生子大如蠶子取其子母即飛來以母血塗錢
八十一文以子血塗錢八十一文每市物或先用母錢
或先用子錢皆復飛歸輪轉無已故淮南子述之以還
錢名曰青蚨亦名子母錢

萱壽堂辭

為海漕府經歷孫仲遠作

孫家高堂風日好堂前祇樹宜男草孫家阿婆昔宜家今
日宜男復宜老香霧濛濛吹繡輿花雨斑斑上文綵阿婆
之年八十深五鸞恩誥封泥金孫家郎惜寸陰把萱酒為
萱吟易搖十歲風前木難報春暉寸草心

傳道人歌

并序 一作傳創子歌

御史幹勒允常為余道傳道人事道人字隱陽朔
人也性勇獷壯年無所用其勇遂執硃質之後於
刑部會河南有以詿誤繫請室者若干人道人獨
明其非辜不忍陷死地且加存恤未幾赦出之皆
詣道人謝再生之年其殺人之中又有仁義類此

積勞當得九品官一旦棄去遇異師於關陝間與之語有悟素不識書即能賦五字詩道其所脫然者後遂入嵩山不還者十年父兄妻子莫知其所如往今居洛陽三井洞株坐不出好事者往候見之訖無一語吾子為古詩文喜錄奇事若道人者亦一奇也且道人約余三年後當見余洛城之東事果當以吾子之作遺之余讀宋史如李芾忠烈之助亦一創手耳其可以五百例賤其人乎若隱陽者既勇於敢而殺又勇於不敢而無殺晚退其役而進道於黃冠者師非其以執術為不是而訖

善復其性者歟故為作歌一首復御史云

祈連山人天骨奇十五能運朱屠椎二十報仇許人死殺
人不數武陽兒鄉里不見容官府不見治猛氣奚所託仗
劍歸京師京師殺柄司秋官假爾牙爪虎豹關今日尸一
逆明日誅一姦朝食悖臣膽暮食凶人肝龍蛇見血性思
改鳩隼化質身無難尋師度關陝棄家入嵩山只今啖松
久辟穀劍埋三井飛精服能聯彌明石鼎句能和商顏紫
芝曲客米放闕不一語但聞鼻息聲滿屋烏臺御史卯金
公羣邪胆落稱人雄囊封事畢志即東轂城夫人有前約
三井洞前尋赤松

漢書霍去病以驃騎將軍擊匈奴至祈連山史記信陵君列傳朱亥袖四十斤鐵椎相殺晉郤刺客列傳燕國有勇士秦武陽年十三殺人不敢忤視月令旗化為鷹韓昌黎有石鼎聯句道士軒轅彌明也序云道士倚墻睡鼻息如雷鳴史記留侯世家後十三年見我濟州穀城山下黃石即我矣

留肅子謠

留肅子草衣儒居無室屋出無驢十年落魄走吳下一日奮迅遊天都自言袖有黃帝書淮荒海盜及吳科大臣不諱省中木法官交譏臺上烏草衣言事不畏死請劍欲斬崔司徒

司馬遷報任少卿書衣赭衣關三木註三木謂桎梏枷通典成帝時御史臺有烏集故謂之烏臺漢書朱雲曰臣願請尚方斬馬劍絳侯臣一人首上問為誰對曰安昌侯張禹後漢崔寔傳從子烈時因傳母入錢五百萬

得為司徒問其子鈞何
如曰論者嫌其銅臭

洪州矮張歌

洪州矮張道人術流之奇士也其術出國初李國
用國用又出於德長老不苟于貴人即見貴人不
苟佞不仁者規言之無隱推其人以占其家及其
子孫之凶慶皆奇驗若神輕財解難有古義士之
風余客西湖大禹觀而道人來寓與余鄰時遇談
天下事非今之豪傑所能及也且欲授術於余余
謝未暇歌以送之

洪州矮張如矮瓠大帛深衣沒雙屨自言矮瓠不食酒惟

貯先天九宮數蚤年俠氣慕朱郭輕財屢倒千金索得道人疑李士寧滑稽時效東方朔獲瞳注射金蟆精口如急雨傾建瓴卒然一語中人隱王公錯愕面發赭烏乎王謝誤蒼生天下烏用爾寧馨居中可乏汲長孺使邊湏用蘇子卿我本先皇賜進士十年不調錢塘市官程那敢問雄飛國法新蒙脫胥靡西湖西南山南水華落日清而酣西船載酒遁名姓三尺長喙金人緘嗟乎五鬼賊三屍詭矮瓠矮瓠無多譚

朱郭朱家郭解也事文類聚李士寧道人先得塗氏所藏軒轅山鏡洞見遠近蔡君謨學士一夕夢為虎所逼有一人救之席既去與之坐曰公貴人也但頸骨不正乃以手為按之翌日士寧謁君謨視其狀乃夢中虎席

正肯者遂異之後出守閩中士寧來謁君謨君謨告以
久患目疾昨夜夢龍樹菩薩士寧即於袖中出畫本視
之一如夢中所見士寧乃瞠目視君謨頃吏兩目豁然
明快歐陽公贈李士寧道人歌言不純師行不純表滑
稽傲世其東方朔之流乎漢書猶高屋之上建瓴水也
注瓴盛水瓶晉書王衍傳何物老嫗生寧馨兒然誤天
下蒼生者必是人也賈誼賦傳說胥靡乃相武丁注聯
繫相隨服役也莊子願有喙三尺注喙三尺願無言也
凡鳥喙長則不能鳴酉陽雜俎人有三尺上尸清姑中
尸白姑下尸血姑凡庚申日言人過於帝廣記三尸常
以月望晦朔上天白人間罪過蓋
三尸欲人死為鬼歆享祭祀也

秀州相士歌

秀州相士薛見心者拜余笠湖上首出句曲外史
自贊一首及縹冊一帖且傳其言云持此以見梅
花道人道人技癢當為汝歌歌訖然後乞其奇文

章予為嘵然大笑既為賦歌詩一章又如其志書
梅花道人傳一通俾東歸以復外史

秀州相士薛見心重湖風雨來相見手把茅山道人詩亦
有胡僧寫束絹自云膝不拜公卿海內名人初入卷縹綾
方冊錦盤囊手錄梅花道人傳道人不讀姑布書兩目看
天走青電梅花忽露太極心南枝北枝開一遍秀州相士
亦識道一笑求心符鐵券章生不相一隻眼桑生不相一
尺面貌如削爪帝治開背如植鱗王業建君不見漢家將
軍如牯腰午夜臍燈照悲言

一隻或作一隻

元詩選注張雨字伯雨錢唐人棄家登茅山所著有句
曲外史集左傳姑布子卿善相見無恤曰真將軍也苟

子非相篇古有姑布子卿今世有唐舉相人之形狀顏色而知其吉凶妖祥世俗稱之學者不道也庾嶺梅南枝已落北枝方開梁史韋昭達遇相者曰卿貌甚善須小虧則當富貴後昭達曰醉墮馬鬢角少傷昭達喜之相者曰未也侯景之亂昭達中流矢眇一目相者見之曰卿相善矣不以當富貴昭達官至司空五代史桑維翰為人醜怪身短而面長嘗臨鑑自奇曰七尺之身不如一尺之面後至宰相非相篇臯陶之狀身如削承閭天之狀面無見膚傳說之狀身如植籍伊尹之狀面無須麋

禽演贈丁道人

令威仙人歸故林白晝飛下天門深一千年人忽作鶴二十八宿皆為禽俛頭垂翅聽驅使走報禍福不敢諳南方朱鳥獻奇狀部領其属來駸駸毛鱗羸介各異態肖象妙合天地心翩然謝客欲高舉便恐滅迹丹霞岑東州名山

指華頂碧天倒墜青瑤簪人間華表或可擬馭風時復來相尋

續搜神記遼東城門華表柱忽有白鶴來集人或欲射之鶴於空中歌曰有鳥有鳥丁令威去家千歲今來歸城郭如故人民非何不學仙塚

纍纍宗志南宮赤帝其精朱鳥

治師行

贈緱氏子名長弓太湖中人與余鑄鐵笛者也通文史又善鑄鐵冠如意自云將鑄湖心鏡求余詩歌之云

湖中治師緱長弓有如漢代陶安公七月七日與天通朱雀飛來化青童且莫隨仙踏飛鴻道人鐵笛已在手鐵冠

八柱凌喬嵩皇帝一統訝羣凶猛士千將無所庸還徵上

青子天上裨重瞳江心火電流赤虹雲凝霧結愁蟠龍

列仙傳陶安公六安治師也數行火火一旦散上紫色
冲天安公伏治下須臾有赤雀止治上曰安公安公治
與天通七月七日迎汝以赤龍至期赤龍來安公騎之
上升九國志蜀王宗壽得一鐵鏡一青衣小兒曰鐵鏡
神物宜見還出鏡與之長揖而去廣信
鏡賦鏤五色之蟠龍刻千年之古字

艾師行贈黃中子

艾師艾師古中黃肘有補注明堂方籠有岐伯神鍼之海

草

岐伯遺針於海島岸生
艾草他艾十不及一

篋有軒轅洪爐之燧光

灼艾禁
木火火

鏡

火球

鍼窠數穴能起死一百七十銅人孔竅徒紛厖

華陀

鍼

灸不

三椎之下穴一獲二豎據穴名膏肓百醫精兵攻

遇

數處

不得火攻一策立受降金湯之固正搗穴快夫急落如飛
鷓梅花道人鐵石腸昨日二豎猶强梁明朝道人步食强
風雨晦明知陰陽老師藥券不受償何以報之心空藏施
藥勝施羊公漿會有仙人報汝玉子成斗量

晉書葛洪自號抱朴子抄金匱藥方萬卷肘後急要方
總四卷左傳晉侯疾病求醫於秦伯使醫緩治之未至
公夢二豎子曰彼良醫也惧傷我焉逃之其一曰居育
之上膏之下將若我何世說周仲智舉蠟燭火擲伯仁
伯仁曰阿奴火攻因出下策爾搜神記羊公伯雍父母
葬無終山遂居焉山高八十里公汲水作義漿行者飲
之有人以石子一斗與種之五
當生其中種其石數歲玉子生

醫師行贈袁鍊師

大茅先生上天司死生每歲考校月之二日為嘉平至今

華陽有仙會會則鬼獸叫嘯丹光明上帝又閱其人之枉
死必生仙醫有如貞白者代居山中抹愚氓自從貞白上
仙去杏林剪伐橘井夷溝坑越七百歲乃有袖雲氏弱冠
學道朝天京天子問道賜爵秩師拂衣去還山自吹鳶鷂
笙不燒丹不辟穀不食日月精不役置訣甲與丁人有奇
疾弗能名鬱如病草無勾萌師一視攣者伸瞽者覲跛者
行問之無吹咀之劑鍼石之兵惟有日兩炊飢折足鐺乃
云太上親傳一管筆三軸經無憂祖師傳至我我奉行之
無足驚吾聞上古俞跗善療疾不施湯液尚湏皮毛解剥
淨洗五藏腥如何三經一筆乃爾靈人報以金擲之如瓦

礫以廉售欲豈比長安清亦何必隱居辛苦註草經嗚呼

人生喜怒哀樂病易成須髮日槁為星星便從鍊師乞漿

啖大棗青華之錄共見茅君盈

日兩或作日用

唐六典道士脩行德高思精謂之鍊師茅盈內紀始皇
三十一年九月庚子盈曾祖父蒙乃於華山之中乘雲
駕龍白日昇天先是其邑謡歌曰神仙得者茅初成駕
龍上昇入泰清時下元洲戲赤城繼世而往在我盈帝
若學之臘嘉平始皇聞謡歌而問其故父老具對此仙
人之謡歌勸帝求長生之術於是始皇欣然乃有尋仙
之志因改臘曰嘉平南史陶宏景字通明謚貞白先生
年二十餘拜表解職入茅山自稱華陽隱居神仙傳吳
人董奉隱居廬山為人治病不取錢物重病愈者栽杏
五株輕者一株數十年得十萬餘株時號為董仙杏林
仙鑑蘇耽挂陽人將仙去謂鄉人曰後二年大疫乃植
橘作井曰受病但食一橘葉飲井水一盃所全活者千
百人謂曰橘井漢武內傳帝曰阿母發五岳真形雖覩
妙理而無六甲靈飛之符太陰六丁玉女之籙史記扁

鵲曰上古有俞跗無病不以湯液乃剝皮解肌瀉洗腸胃漱滌五臟陶貞白有本草注神仙傳晉許謩入華陽洞得道王母第二十女紫微夫人降之曰玉函金漿交梨火枣此飛騰之藥也撫遺老君拜茅園為定錄真君

芝秀軒詞

東倉馬君瑞以芝秀名軒虞學士集為書其扁李著作孝光為之記復求歌詩於予故為賦騷詞四

章

芝秀兮煌煌。羅生兮滿堂。紫雲園兮如蓋。露湛湛兮沐芳。美夫人兮賢姱。集靈瑞兮未央。

又

芝何為兮為秀。匪植以生兮。匪培以茂。協冲和以華滋兮。

食之而壽。

又

山嵯峨兮谷逶迤。歌紫芝兮吹參差。懷美人兮不可以追。

又

鐵之涇兮鳳之沼。思公子兮善窈窕。善窈窕兮樂康。聊逍遙兮歲年老。

壽岩老人歌

壽岩老人者吳興欽先生德載也。老人仕宋為都督計議官。宋草老人奮義兵。不肖送降款。天兵募生致其人。義其言議。而官之。老人列其板授言。即

遁隱長山之石岩石生冬青萬年之枝老人遂號
壽岩又自志以文去老人之死四十年其孫驥出
其手澤求余歌之

壽岩老人宋都督不肯新朝食周粟水晶國裡七寶山別
有天地非人間山中黃石眠怒虎圯上傳書曾有語歸來
牧羊尋赤松萬年枝上盤冬龍冬龍萬年與石鬪老人一
杯持自壽煉石未補天南孔叶坐見瀛洲生軟紅嗚呼壽
岩之人兮元不死南斗化石齊崆峒

記留侯世家良游下邳圯上有一老父墮其履圯下
須良取履履之出一編書曰讀此則為王者師後十三
年見我濟州穀城山下黃石即我矣葛洪神仙傳黃初
平年十五家使牧羊有道士見其良謹將至金華山居

石室中四十餘年不念其家其兄初起行索初平見道士引至山與弟語畢問平羊何在平與兄往至山東見白石因叱之石皆起成羊數萬頭按黃初平亦髻赤松子蘇軾詩軟紅猶戀屬市塵自注前輩戲語西湖風月不如東華軟紅香土莊子黃帝聞廣成子在崆峒之山往問道焉

題鐵仙人琴書真樂窩

附錄李孝光所作也

舉世之樂無如鼓琴琴可以禁人之邪心易人之哇淫舉世之樂莫如讀書書可以絕小人之狹邪履君子之坦途世人為樂千種好不如我樂長可保彼有嗜酒樂飲逢毒若酖豔妻謹虞自令身枯溺心貨殖為盜賊積崇勢凌人鬼神斷嗔蚤官驕子疾為禍首或世所樂自詭神仙累萬人學無一長年有樂放恣毀除湏髮捐棄

父母終竟不覺有察於獄。謂俾不懜。性習浸移。久而泰甚。凡此衆樂。豈不可懷。不如我樂。無患與蓄。鐵仙左琴。右書。傳終日危坐笑以吟。忽見吾詩。仰天歌。鐵仙豈不大樂哉。

鐵笛歌為鐵崖賦

附楊先生所作後

鐵崖道人吹鐵笛。官徵含嚼太古音。一聲吹破混沌竅。一聲吹破天地心。一聲吹開虎豺闥。彤庭跪獻丹宸箴。問君何以得此曲。妙諧律呂。可以召陽而呼陰。都將春秋二百四十二年筆削手譜成。透天之竅。價重夔南金。掉頭玉署不肯入。直入弁峯絕頂。俯瞰東溟深。王綱正

統著高論。唾彼傳癖。兼書淫時。人不識我。不厭。會有使
者。徵球琳。具區下浸。三萬六千頃之白銀浪。洞遶上立
七十二朵之青瑤岑。莫邪老鐵作龍吼。丹山鳳舞江蛟
吟。勗哉宗彥。吾所欽。赤泉之盟。猶可尋。更吹一聲振我
清白祖。大鳴盛世。載賡阜財。解慍南風琴。

鐵遂謠為鐵崖仙賦

附錄雲間
錢嘉作也

鐵崖仙人冠鐵冠。錦袍不著衣。褐寬。棄官流蕩山水窟。
胸中奇氣蛟龍蟠。手持鐵笛竅有九。錚錚三尺青琅玕。
吹之奇聲絕人世。抑揚悲壯凌雲端。鐵崖山高。高百丈。
片片吹落梅花寒。太湖老漁狎唱清江歌。仙人側卧吹

回波七十二峰翠鸞舞。大雷小雷走深渦。君山弄最奇。
絕一聲草木摧。兩聲山石裂。三聲蜿蜒躍波起。四聲卷
海作飛雪。五聲山嶽盡動搖。六聲百鳥皆噤舌。七聲吐
氣成虹霓。搏桑枝上金烏啼。八聲射光凝牛斗。丹桂枝
邊玉魄吼。九聲十聲迸銀河。鬼神股慄天嵯峨。河鼓輟
瓊耜。天孫停玉梭。九重震疊開蕩蕩。帝閭驚定忘撝訶。
鈞天大人側耳聽。口勅仙吏旁搜羅。分甘吹笛樂吾樂。
芒屨嬾上金鑾坡。仙人仙人鐵石腸。引喉噴鐵金琅璫。
中通外竅直以剛。鑢錐善鳴愁鳳皇。底須截竹崑崙同。
願將鐵崖壽鐵笛。後天不老凋三光。

卷之三

三

樓
澍傳霖校

鐵屋樂府卷之七

目錄 門人富春吳復類編

堠子詞

鍾藤詞

醴泉詞

泳水詞

臬蘆詞

龍虎詞

狗馬詞

鷹馬詞

鳳鏘鏘

鶴蹀蹀

五禽言

五首并引

歸雁吟

兩鵲鵲為顏氏賦

匹鳥曲

鮫人曲

義鵠

三章并引

警鵬

三章

射羅行

關雞行

殺虎行

并引

白翎鵲詞

二章

佛郎國進天馬歌

已上凡三十首皆先生涉歷世故有慨於衷多
託於鳥獸草木以起興者諷者得其旨則勸善
懲惡蓋亦不無補云復識

鐵厓樂府註卷之七

諸暨楊維禎廉夫著 同邑後學樓卜灋西濱註

門人富春吳復編

孫元音穎若訂

金照雪湖

堠子詞

堠子箇箇復箇箇十里五里官道課行人搜徑行不從官道過于嗟堠旁岐轉多堠子荆棘如銅駝

按堠里堡也謂路旁堠元史世祖時立急遞站鋪每十里或十五里二十五里則設一鋪於各州縣所管民戶及漏籍戶僉起鋪兵中統元年詔隨處官司設傳遞鋪驛每鋪置鋪丁五人晉書索靖指官門銅駝曰會見汝中爾

鍾藤詞

南有美木。鍾藤束叶只。鍾藤日肥。美木削只。於呼孤剛柔。

惡斃之孰。捺斧斤為我理之。

異物志鍾藤繞裏樹即死藤成樹大者十圍可為杖為
籠勝竹韓愈詩幾歲養成為大樹一朝纏繞困長藤白
居易詩先柔後為
害有似諛佞徒

醴泉詞

醴泉兮無源。靈芝兮無根。如何求俊兮。而欲求乎人門。

虞翻與弟書長子容當為求婦遠求小姓足使
生子天其禍人不在貴族靈芝無根醴泉無源

泳水詞

泳水可以尋珠商邱射石可以飲羽李廣乃知一心之人。

今遇物而無迹

列子子華子之門徒指河曲之湓謂商邱開曰波中有寶珠泳可得也商邱開泳之既出果得珠西京雜記李廣獵於冥山之陽見卧虎射之沒矢飲羽進而視之乃石也其形類虎退而更射鏃破幹折而石不傷予嘗以問楊子雲子雲曰至誠則金石為開按夜行疑虎射石沒金李廣前有熊渠子見韓詩外傳呂覽亦曰養由基射虎中石矢乃飲羽誠乎虎也

梟蘆詞

梟徙而不成鳳兮蘆種而成荻此智者之操心兮受降同乎受教

杜甫詩馮陵大叫呼五白袒跣不肯成梟蘆注晉張重華傳梟者逃也六博得梟者勝又梟蘆以五木為衆有梟蘆雉犢之形蘆多者為勝蘆犬名作蘆未詳霍去病傳時匈奴渾邪王降去病曰受降如受教

龍虎詞

雄檻足兮虎成狗。燒尾兮魚作龍。得勢失勢兮。而以分乎雌。

司馬遷書猛虎在深山百獸震恐及在檻穽之中搖尾而求食韓子夫虎之所以能伏狗者爪牙也使虎釋其爪牙而使狗用之則虎反服於狗矣邵氏聞見錄魚躍龍門化為龍必雷燒其尾乃化

狗馬詞

狗有烏龍兮。馬有的盧。的盧狗主兮。烏龍食奴。於呼交之。借兮無解。孤之託兮無嬰。吁嗟烏龍兮。狗之解吁嗟的盧兮。馬之嬰。

續搜神記會稽句章民張然滯役於郛養一狗甚快名曰烏龍後其婦與奴私通遂謀殺然當戶拔刀狗數注

晴紙屑視奴然覺之大喚曰烏龍狗應聲傷奴頭奴失
刀仆然因殺奴以婦付縣殺之世語劉備屯樊城劉表
曾請宴會荆越蔡瑁欲因會取備備覺之偽如廁潛遁
所乘馬名的顧至襄陽城西檀溪中溺不得出備急曰
的顧今日厄可不努力的顧一蹶三式遂得出史記游
俠俠郭解軼人以軀情交報仇又趙世家屠岸賈攻趙
氏於下宮殺趙朔趙朔客公孫杵臼謂程嬰曰立孤與
死孰難程嬰曰死易立孤難耳公孫杵臼曰子彊為其
難者吾為其易者請先死程嬰
卒立趙孤趙孤既立遂自殺

鷹馬辭

鷹使司漏馬使警偷戒者守杼獲者運牛彼此職廢空抱
主憂君不見薛恭尹賞各有所兩地一易俱稱優

通鑑諸葛亮自校簿書主簿楊顗諫曰今使奴執耕稼
婢典炊爨雞主司晨犬主吠盜牛負重載馬涉遠路所
求皆足一旦盡欲以身親其役終無一成豈智之不如
奴婢難狗哉失為家主之法也戒獲奴婢也男曰臧女

曰獲漢書薛宣傳宣入守左馮翊潁陽縣北當上郡西河為數郡湊多盜賊其令平陵薛恭本縣孝者職不稱而栗邑縣小民易治令鉅鹿尹賞久郡用事吏遷在栗宣即以令奏賞與恭換縣二人視事數月而兩縣皆治

鳳鏘鏘

鳳鏘鏘求其凰凰既得不復念母將不如城頭烏日日夜夜哺母與母翔

玉臺新咏相如琴歌曰鳳兮鳳兮歸故鄉遨遊四海求其凰春秋元命苞烏孝鳥也春秋運斗樞烏為陽陽氣仁故反哺

鶴躑躑

鶴躑躑乘君軒肉翅重不復戾九天不如地上雞乃得竊藥隨飛仙

左傳衛懿公好鶴鶴有乘軒者詩鸛飛戾天戾至也神
仙傳漢淮南王劉安白日昇天臨去時餘藥器置在中
庭雞犬舐啄之盡得昇天
故雞鳴天上犬吠雲中

五禽言 并序

禽言無出梅都官之作予猶惜其句律佳而無風
勸之意故予製五禽言言若拙而意頗閑風勸焉
喚起喚起東方明門前已如市上林有鳥殺司晨苦殺蕭
娘睡方美

韓愈詩喚起窻全曙注魯直云喚起殺如人絡絲員轉
清亮偏於春曉鳴江南謂之春喚復齋謾錄云唐顧渚
記曰顧渚山中有鳥如鸚鵡而色蒼每至正二月作殺
云春起也三四月云春去也採茶人呼為喚春鳥襄陽
記雞主司晨南史臨川王宏傳帝詔宏侵魏宏聞魏援
近畏懦不敢進魏人遺以巾幘歌曰不畏蕭娘與呂姥

但畏台肥有韋虎楊巨源詩風流才子多春思腸斷蕭娘一紙書元稹詩榆揚陶令綠求酒結托蕭娘只在詩白居易詩風朝舞飛燕雨夜泣蕭娘

又

提胡盧提胡盧沽酒何處沽烏程與若下美酒高無價小

姑與金釵勸郎醉即罷君不見城中官長壺盧提十日九

日醉如泥

杜詩注胡盧以盛酒胡古與壺通後漢周澤傳一歲三百六十日三百五十九日齋注漢官儀此下云一日不

齋醉如泥

又

姑惡姑惡姑不惡妾命苦姑有孝女姑為慈母妾亦甘為

東海婦

陸游詩君聽姑惡聲無乃遣婦魂漢書漢女者居東海養姑姑女謨之於姑姑徑詣太守訴而殺之五月下雪青藤山人路史東海今淮安海州一統志載孝婦廟在巨平山北

又

子○歸○子○歸○子○不○歸○白○頭○阿○婆○慈○且○悲○子○弗○歸○待○何○時○君○不○見○西○江○處○士○章○九○華○十○年○去○赴○邱○園○科○母○死○妻○啼○未○還○家○

禽經鵲鵲周子規也江介曰子規蜀右曰杜宇一說子規非杜鵑乃叫不如歸去者

又

行○不○得○哥○哥○我○不○行○奈○我○何○西○山○有○豺○虎○西○江○有○風○波○風○波○尚○可○壺○豺○虎○尚○可○羅○努○兒○閑○平○地○多○行○不○得○哥○哥○

本草集解今俗謂鷓鴣啼曰行不得去也哥哥

歸雁吟

江南荷葉黃見爾來江鄉江南春水暖歸路同天遠春復秋復春南來北往多苦辛漚為友鷺為鄰他山鷓鴣好結婚只往江南生子孫

月令孟春之月鴻雁來註自南而來北也仲秋之月鴻雁來註自北而來南也韓愈詩嗷嗷鴻雁鳴且飛窮秋南去春北歸詩註鳬好沒鷗好浮故一名漚今人加鳥字本草集解鷗浮水上輕漾如漚也

兩鵲鵲

婦賦為顏氏

兩鵲鵲朝朝暮暮啼不休天陰婦棄去雨止還相求天公陰晴變不測嗟爾夫婦難為速勃鳩水西頭啼過東家樓

東家樓前琅玕樹枝枝連理森相樛無風無雨春正好願
爾長作鴛鴦傳莫効前身鷹隼仇

埤雅鵲鵲陰則屏逐其匹晴則呼之語曰天將雨鵲逐
婦是也又曰天將陰鳴鵲鵲逐婦啼中林鵲婦怒啼無好
音梅聖俞詩天欲陰鵲鵲怒鳴鵲出林婦去高飛如失
音雨欲止鵲鵲鳴婦婦不喜楚人因此卜陰晴陰逐晴
呼無定聲晴林有枝可並宿雨巢何處能相尋
詩南有樛木註木下曲曰樛月令鷹化為鳩

匹鳥曲

建章宮中匹瓦飛太液浮起雙紅衣文塘小徑迎春歸春
紅蓮葉春猗猗金丸嬌郎故驚起白頭雙飛似雙死上林
雁歸忍流離九疑悵悵天萬里長干沙頭入望夫願託錦
鱗西江書結生不作白頭伴結死湏作青陵鳥

古今注鴛鴦水鳥似鳬毛有文采雌雄未嘗離人得其
一則一者相思而死故謂之匹鳥魏志文帝夢殿屋兩
瓦墮地化為鴛鴦崔珣詩翠鬢紅毛舞落暉又祗遇寒
塘亦並飛謝氏詩源靈光園中鑿大池植五色睡蓮養
鴛鴦三十六對望之爛若舒錦杜牧詩驚起鴛鴦豈無
恨一隻飛去又四頭李商隱詩鴛鴦不羨頭俱白飛去
飛來相雨秋唐詩只合雙飛便雙死肯緣相失便相離
徐陵賦既交頸於千年亦相隨於萬里西京雜記相如
將聘茂陵人女為妾卓文君作白頭吟以
自絕相如乃止青陵鳥見卷二杞梁妻

鮫人曲

鮫人居錢塘湖自從劍客過湖去世人不識真仙儒靈丹
擲湖水湖水清如醑江妃惜不得貯在明月壺鮫人夜飲
明月腴夜光化作眼中珠手擎蓮葉盤一株盤中走珠汞
不如世人無仙意波心蕩漾青頭鳬烹龍炮鳳日日千金

珠○厨○何○以○洒○君○心○熱○寧○君○軀○洒○君○熱○寧○君○軀○須○飲○鮫○人○明○月○

述異記南海之外有鮫人水居如魚不廢緝績其服能泣珠說文酤一宿酒也杜甫詩江妃水仙惜不得荆楚歲時記南方競渡者治其舟使輕利謂之飛鳧杜甫詩洗滌煩熱足以寧君軀北夢瑣言張建章往渤海遇仙女邀至一島遺一鮫綃夏至炎熱展開則滿室凜然

義鵠三章

并序

予讀康里相家義鵠志為之喟曰嗟乎通文史如
衛仲道妻而有不鵠如者彼忍於不義不忍於死
爾最爾鵠非有倫理之教詔也又豈識有一醺終
身之義乎而托以死答所配非其所惡有甚於死

者乎於乎人之所以異於禽獸者義爾而義反滅
之則物性反優於人乎嘻吾不知之矣抑予聞鵠
之不止義也其養子也鳴鳩之仁其託書也鴻雁
之信爰賦三章以補前人之缺云

肅肅兮飛奴好爾匹兮哺爾雛吁嗟爾德兮均慈爰於鳴
鳩

右一章

格物論鵠亦鳩類有數種皆兩兩相匹而不雜交人家
多畜之翔集屋間後漢書列女傳董祀妻同郡蔡邕女
名琰字文姬適河東衛仲道夫亡無子天下喪亂為胡
騎所獲生二子曹掾素與邕善乃贖之而重嫁於祀開
元遺事張九齡少年時養群鵠每與親知書信往來只
以書繫鵠足上依所教處飛往投之九齡目之為飛奴

曹植責躬表七子均養者鵠鵠之仁也卑雅鳴鵠性一而慈

肅肅兮飛奴離爾儔兮別爾家姑叶吁嗟爾勞兮比鴻雁兮將書

右二章

燕武傳言天子射上林中得雁足有繫帛書古杭雜記高宗宮中養鵠太學士人作詩風之有云何如養取雲逸雁沙漢能傳二帝書流入大內高宗惻然遂不後畜

肅肅兮飛奴歛相失兮婦夫死者兮已矣生誰適兮與娛朝不粒兮無與呼莫不室兮無與居豈無他儷兮我儷不如閱七日以死兮矢一節而弗渝吁嗟爾烈兮繼比與乎閔睢

右三章

詩豈無膏沐誰造
為容適音的主也

警鵬三章

吁嗟乎鵬來兮。汝趾不爪兮。臂不翎兮。橫口豎齒長眉目兮。
曾不鈎吻而金睛。胡為肆攫搏兮。勇憑陵。稱人類兮。負鳥
名。吁嗟鵬兮。反已靈犀。序汝鄉兮。衣冠汝朋。

顏師古漢書注鵬大鷲鳥
一名鷲黑色翮可為箭

又

橫翔傍舞兮。群笑以囂。陰窺狙伺兮。風草動搖。嗟爾醜兮。
不可以招。讐一獮兮。將汝梟上。或牯兮下。或犢隔截。鷲鵠

今愁青霄吁嗟雕兮逞爾豪擊剛者怠兮與爾乎同邀

憍音驕恣也逸也

又

貞柏蒼蒼兮烏府初霜寒氣襲襲兮皂雕在傍匪汝朋比
兮伏陰紆陽扶豎正直兮不茹吐其柔剛鸞鳳遠舉兮梟
獍云亡吁嗟雕兮不改行收汝族兮磔以禳

通典御史府中列柏樹常有野烏数千棲宿其上故御史臺謂之烏臺又御史為風霜之任彈糾不法陸佃埤雅雕食草似鷹而大黑色故俗呼皂雕

此先生在天台喻其豪民未率化之作也今其人有更名改過求自列於善民以一洗舊日赤書其門之醜故

金屋集序
卷一
曰詩可諷也

宋漁鐵厓先生墓誌天台多黠吏憑陵氣勢仇官短長
先以餌釣其歆後乃拒抗使不得吐一語弭為八雕

射罷行

草枯燎發原野赤老羆憤起千軍敵將軍名號已而思
白羽慣數黃狼肋老羆決石如怒猊將軍立馬攢霜蹄滿
弓一射正貫脾馬前突立人而啼南山白額當道卧東西
之人不敢過少年匹馬隨譟呼從渠生拔白額須剗白額
作飲器坐令泰山之婦歌好世

韵府俊猊即獅子似虎色黃又徐浩書如怒猊決石晉
書周處謂父老曰時和年豐何苦而不樂父老曰三害
未除南山白額猛獸長橋下蛟并子為三矣處曰若此
吾能除之乃入山射殺猛獸沒水搏蛟逐鴈志好學期

年州府交辟西京雜記李廣獵冥山之北見卧虎一矢斃之以頭為枕示服猛也鑄銅象其形為洩器示厭辱之也泰山婦見下殺虎行

鬪鷄行

兩雄勇銳誇匹敵老距當場利如戟
鼂毳毯毼蝟刺張怒咽硯礪噴眼碧劍心一動碎花冠口血相汚膠綵翼何當
罷關作啼聲埭上梨花春露滴

左傳季郕之雞鬪季氏介其雞郕氏為之金距韓愈鬪雞聯句精光目相射劍戟心獨在既取利為胄復以距為鍛又礫毛各噤痒怒癭爭礪磊又割爪深難解嗔睛時未急又頭垂碎丹砂翼搨拖錦綵南越志雞冠四開如蓮花齊書武帝常幸瑯琊城宮人皆從
早發至湖北埭雞始鳴今呼為雞鳴埭

殺虎行

劉平妻胡氏從平戍零陽平為虎擒胡殺虎爭夫
千載義烈有足歌者猶恨時之士大夫其作未雄
故為賦是章

夫從軍妾從夫夢魂猶痛刀箭瘢况乃全軀飼豺虎拔刀
誓天天為怒眼中於菟小於鼠血號虎鬼冤魂語精光夜
貫新阡土可憐三世不復仇泰山之婦何足數

李白詩李牧今不在邊人飼豺虎檀弓孔子過泰山側
有婦人哭於墓者而哀使子路問之曰昔者吾舅死於
虎吾夫又死焉今吾子又死焉夫子曰何為不去
也曰無苛政夫子曰小子識之苛政猛於虎也

白翎鵲詞

按國史脫必禪曰世皇畋於柳林聞婦哭甚哀明

日白翎鵲飛集幹朶上其聲類哭婦上感之因名
侍臣製白翎鵲詞鵲能制猛獸尤善禽鴛鴦者也
舊詞未古為作白翎鵲詞二章以補我朝樂府

白翎鵲西極來

叶

金為冠玉為衣百鳥見之不敢飛雄狐

猛虎愁神機先帝親手鞚重爾西方奇海東之青汝何為
下攫草間雉兔肥奈何猛虎雄狐狸

類纂朔漠之地無他禽鳥惟鴻雁與白翎雀鴻雁畏寒
秋南春北白翎雀雖窮冬亦不易處故元世祖作樂名
曰白翎雀絕照詩昔如鞚上鷹劉良注鞚以皮蔽手而
臂鷹也一統志北山夸產海青鳥小而捷能擒天鵝羣
燕撲之則墜亦謂之海東青
爪白者尤異五國城東出

又

白翎鵲來西極地從翼旋山目側邊風朔氣勁折膠材官
猛箭與之敵黃狼紫兔不餘力湏臾白雪輕一舉千仞直
駕鷺洒血當空擲金頭玉頸高千尺千秋萬歲逢玉食

幽真錄楚文王好獵人有獻鷹為獵於雲夢烟燒張天
毛羣羽族爭噬競搏鷹瞪目雲際無搏噬之志王謂獻
者曰汝將欺余耶答曰若効於雉兔臣豈敢獻俄而雲
際有物凝翔鮮白不辨其形鷹便聳翅而昇湏臾毛墮
若雪血下如雨有大鳥墜地度其兩翅數十里衆莫能
識有博物君子曰此大鵬雛也乃厚賞之廣雅鳴鷺雁
也鳴與
駕同

佛郎國進天馬歌

天馬歌本古樂府車馬六曲之一也漢郊祀樂歌
亦有之然漢之得天馬或出於漢貳師將軍之伐

宛非德徠之維我有元至正聖人德被西裔而佛
郎馬來宜作歌章光賡樂府故作此歌

龍德中元氣昌天王一統開八荒十又一葉治久長前年
白雉來越裳中國聖明日重光仁聲馭沓動嘉祥烏桓部
族號佛郎實生天馬龍文章玉臺啟閭闔張願為蒼龍駕
東皇瑤池八駿有若亡白雲謡曲成荒唐有元皇帝不下
堂瑤母萬壽來稱觴屬車九九和鸞鏘大駕或駐和林鄉
後車獵侯非陳倉帝乘白馬撫八方調風雨和陰陽泰階
砥平玉燭明太平有典郊樂敷尚見滎河出圖像麒麟鳳
鳥紛來翔

史記初天子發書曰神馬當從西北來得鳥孫馬好名
天馬及得大宛汗血馬益壯更名鳥孫馬曰西極馬宛
馬曰天馬通鑑前編交趾南有越裳氏重三譯而來獻
白雉馭悉合切音報廣韻馭馬行疾也李白明堂賦
仁聲馭奮乎無彊資治通鑑注鳥桓東胡種漢初匈奴
冒頓破東胡其餘衆散保烏桓山因為號焉漢初匈奴
遊閼闐觀工臺穆天子傳天子之八駿赤驥盜驪白羲
踰輪山子渠黃驊騮綠耳又天子觴西王母於瑤池之
下王母為謠曰白雲在天邱陵自出道里悠遠山川間
之東京賦屬車九九乘軒並轂封禪書秦文公東獵汧
渭之間卜居之而吉又文公獲若石云於陳倉北阪城
祠之命曰陳寶魏都賦長庭砥平鐘簾夾陳顏師古聖
德頌如砥之平如矢之直爾雅四時和謂之玉燭尚書
中候帝堯即政七十載修堙河洛仲月辛日禮修至於
日稷榮光出河龍馬銜
甲赤文綠色胎壇吐圖

樓
澤育蒼校

鐵厓樂府註卷之八

目錄

門人富春吳復類編

覽古

四十二首

已上凡四十有二首蓋迹太白之覽古少陵之
遣興而作也雖事關史斷而中有詩法存焉作
古詩者其可無學乎復識

鐵厓樂府註卷之八

諸暨楊維禎廉夫著 同邑後學樓卜瀍西濱註

門人富春吳復編

斯元仁近方訂

黃鶴羽西德

覽古

晉師納天王大義白日披尹固附孽子奉籍奔蠻夷道逢

周郊婦三歲爾大期三年尹固死婦言如著龜

列女傳周郊婦人若周大夫尹固所遇於郊之婦人也
周赧王時王子朝怙寵為亂與敬王爭立敬王不得入
尹固與召伯盈原伯魯附子朝春秋魯昭二年六月晉
師納王尹固與子朝奉周之典籍出奔數日道還周郊
婦人遇尤之曰處則勸人為禍行則數日而反是其過
三歲乎至昭公二十九年京師果殺尹固君子謂周郊

婦人惡尹固之助亂知天道之不祐示以大期終如其言

其二

出姜哭過市呼天天實聞市人皆涕下魯賊當誰分出姜不歸魯麟書誅其君

春秋左傳文公十八年夫人姜氏歸於齊大歸也將行哭而過市曰天乎仲為不道殺適立庶市人皆哭魯人謂之哀姜

其三

秦穆飲盜馬楚莊忘絕纓齊景恩一木觸槐有淫刑靖女

告齊相稱說辯且正明朝拔槐令靖婦

疑當作父

脫囚名

史記秦本紀繆公亡善馬岐下野人共得而食之者三百餘人吏逐得欲誅之繆公曰君子不以畜產害人吾

聞食善馬肉不飲酒傷人乃皆賜酒而赦之三百人者
聞秦擊晉皆求從從而見繆公窘亦皆推鋒爭死以報
食馬之德於是繆公獲晉侯以歸說苑楚莊賜羣臣酒
日暮燭滅有引美人之衣者美人援絕其冠繆告王趣
火來視絕繆者王曰賜人酒使醉失禮奈何顯婦人之
節而辱士乎乃命皆絕其冠繆然後復舉燭後晉與楚
戰一人常在前五合五獲首惟問之曰臣乃夜絕繆者
也按唐書魏徵傳昔秦穆公飲盜馬之士楚莊王赦絕
繆之臣二事朕屬蓋亦有所本也晏子春秋齊景公有
所愛槐令曰犯槐者刑傷槐者死有醉而傷槐者且加
罪焉其女惧而告晏子曰妾恐鄰國聞之謂君愛槐而
賤人可乎晏子入言之公乃出傷槐者囚按列女傳傷
槐行之女名靖靖疾郢切情上聲

其四

單父七絃琴為治務感興十金南門木立令務必行單父
有成效夜漁若嚴刑南門能徙木不能徙民情以此知巧

信不如拙而誠

韓詩外傳子賤在單父身不下堂鳴琴而治家語子賤為治三年孔子使巫馬期遠觀政焉入單父界見漁者得魚輒舍之漁者曰魚之大者名為鱗吾大夫愛之其小者名為鰓吾大夫欲長之是以得二者輒舍之也巫馬期反以告孔子曰宓子之德至使民闇行若有嚴刑於旁何行而得此孔子曰吾嘗與言曰誠於此者刑於彼宓子得此術於單父也史記商君列傳立三丈之木於國都市南門募民有能徙置北門者予五十金

其五

韓厥戮趙僕不以私害公後人援此義往往為逢蒙曲逆不背本事主可移忠偉哉劉公論呂布真難容

國語趙宣子言韓獻子於靈公以為司馬趙孟使人以其乘車千行獻子執而戮之宣子告諸大夫曰二三子可以賀我矣韓厥也而中吾乃今知免於罪矣史記陳丞相世家高帝封平為戶牖侯平曰非魏無知臣安得

進上曰若子可謂不背本矣乃復賞魏無知高帝南巡
曲逆乃更以平為曲逆侯後漢書呂布傳劉備曰明公
不見呂布事乎
建陽董太師乎

其六

應侯刻薄人須賈得無死飛將殺霸陵狼狠不足齒如何

畫眉郎五日殺掾史

史記范雎傳須賈為魏使齊范雎從齊王賜雎金及牛
酒須賈以告魏相魏齊大怒擊雎雎伴死以箒置
廁中得出乃更姓名曰張祿秦昭王拜為相封應侯魏
使須賈於秦范雎微行見須賈須賈曰范叔一寒如此
乃取一綈袍賜之范雎御入相府須賈大驚范雎曰汝
罪有三所以得無死者綈袍戀戀有故人之意故釋公
李將軍傳廣飲還至霸陵亭霸陵尉醉呵止廣騎曰故
李將軍尉曰今將軍尚不得夜行何乃故也止廣宿亭
下居無何召拜廣為右北平太守廣即請霸陵尉與俱
至軍而斬之廣居右北平勾奴號曰漢之飛將軍漢書

張敞傳敞為京兆使掾絮舜有所案驗舜以敞劾奏當
免私歸其家曰五日京兆耳安能復案事故聞舜語盡
夜驗治竟致其死事曰五
日京兆今何如乃棄舜市

其七

齊相善求治議論人人殊蓋公本黃老一語蓋有餘諸儒

不足聽醉吏自足呼醉吏獄不擾諸儒多訴

疑當作詐狙

史記曹相國世家參相齊盡召長老諸生問所以安集
百姓如齊故俗諸儒以百數言人人殊未知所定聞膠
西有蓋公善治黃老言使人厚幣請之蓋公為言治道
貴清淨而民自定參於是避正堂舍蓋公焉其治要用
黃老術故相齊九年齊國安集蕭何卒參入相召去屬
其後相曰以齊獄市為寄慎勿擾也參代何為漢相國
舉事無所變更日夜飲醇酒相舍後園近吏舍吏舍日
飲歌呼從吏惡之無如之何乃請參遊園中聞吏醉歌
呼從吏幸相國召按之乃反取酒張坐飲亦
歌呼與相應和楊子御得其道狙詐咸作使

其八

恭儉漢天子取士忌少年未應絳灌徒庭中肯妨賢徒為

宣室召復有長沙遷不見馮都尉龐眉竟誰憐

史記賈生傳賈生年最少天子議以任公卿之位絳灌東陽侯馮敬之屬盡害之乃短賈生天子後亦疏之乃以賈生為長沙王太傅後徵見孝文帝方受釐坐宣室上因感鬼神事而問鬼神之本賈生因具道所以然之狀至夜半文帝前席馮唐傳文帝拜唐為車騎都尉景帝以唐為楚相武帝立求賢良舉馮唐唐時年九十餘不能復為官

其九

田叔作魯相王不敢遊田痛愧取民物償以中府錢漢人重長者長者豈非賢

史記田叔傳景帝以為魯相民自言相訟王取其財物
百餘人田叔怒曰王非若主耶何自敢言若主魯王聞
之大慙發中府錢使相償之相曰王自奪之使相償之
是王為惡而相為善也相母與償之於是王乃盡償之
魯王好獵相常從入苑中王輒休相就館舍相終不休
曰吾王暴露苑中我獨何為就舍魯王以故不大出游
又文帝召田叔問曰公知天下長者乎對
曰臣何足以知之上曰公長者也宜知之

其十

任安與田仁同仕將軍門廝養惡齧馬實坐貧失身發怒
騎奴席拔刀徒自分不會趙少府何時別奴羣乃知聖賢
仕端不與賤貧

史記褚先生補傳田仁與任安相善俱為衛將軍舍人
居門下二人家貧以事將軍家監家監使養惡齧馬衛
將軍從此兩人過平陽主主家令兩人與騎奴同席而
食此二子拔刀列斷席別坐主家皆怪而惡之莫敢呵

其後有詔募擇衛將軍舍人以為郎將軍取舍人中富
給者欲入奏之會賢大夫少府趙禹來將軍呼所舉舍
人示趙禹趙禹以次問之十餘人無一人習事有智畧
者於是趙禹悉召衛將軍舍人百餘人以次問之得田
仁任安曰獨
此兩人可耳

其十一

郭解本大俠睚眦殺人威當其出邑屋獨不殺倨夷屬吏
脫踐更卒感肉袒來此事實近道可以俠少之

史記游俠傳解布衣為任俠行權以睚眦殺人又解出
入人皆避之有一人獨箕倨視之解遣人問其姓名客
欲殺之解曰居邑屋至不見敬是吾德不脩也彼何罪
乃陰屬尉吏曰是人吾所急也至踐更時脫之每至踐
更數過吏弗求怪之問其故乃
解使脫之箕倨者乃肉袒謝罪

其十二

漢廷古遺直免官歸田園已聞御史奏嚴李有飛言矯制獨無罪加冠禮終存誰謂淮陽召淮陽為寡恩

漢書汲黯傳黯隱於田園居數年嚴助傳淮南王反事與助相連上薄其罪欲勿誅廷尉張湯爭以為助出入禁門腹心之臣而外與諸侯私交如此不誅後不可治助竟棄市張湯傳湯為御史大夫河東人李文故嘗與湯有隙湯有所愛魯謁居知湯弗平使人上飛變告文姦事事下湯湯治論殺文汲黯傳河南失火武帝使汲黯視之還報曰家人失火比屋延燒不足憂臣過河內河內傷水旱萬餘家臣以便宜矯詔發倉粟以賑貧民請伏矯制之罪上賢而釋之又大將軍青侍中上踞廁而視之丞相宏燕見上或時不冠至如黯見上不冠不見也上嘗坐武帳中黯前奏事上不冠望見黯避帳中使人可其奏又上召拜黯為淮陽太守黯伏謝不受印詔上曰君薄淮陽耶淮陽吏民不相得吾徒得君之重卧而治之

其十三

出關棄繻子南征笈狂生左右無黃髮淫夫挾之行戮殺
漢使者君臣起大兵尉佗羈漢綬何曾請長纓

漢書終軍傳軍入關關吏予軍繻軍問以此何為吏曰
為復傳逐當以合符軍曰大丈夫西游終不復傳還棄
繻而去軍為謂者使行郡國建節東出關關吏識之曰
此使者迺前棄繻生也又南越與漢和親迺遣軍使南
越軍自請願受長纓必羈南越王而致之闕下南粵王
傳趙佗秦二世時行南海尉事秦已滅自立為南粵武
王高后時自稱南粵武帝文帝使陸賈賜佗書佗改
號稱臣武帝建元四年佗孫胡為南粵王遣太子嬰齊
入宿衛胡薨嬰齊嗣立其母為太后太后自未為嬰齊妻
子與嬰齊薨興嗣立其母為太后太后自未為嬰齊妻
時曾與安國少季通元鼎四年漢使安國少季諭王
太后入朝令終軍等宣其辭王年少太后中國人安國
少季往復與私通國人頗知之其相呂嘉迺陰謀作亂
攻殺太后王盡殺漢使者於是天子乃令粵人及江淮
以南樓船十萬師往討之

其十四

成都賣卜士大易先天心弟子一區宅桑榆有餘陰何為
天祿閣忘身幾陸沉門前載酒者奇字時相尋為謝門前
客從今傳酒箴

高士傳嚴遵字君平蜀人隱居不仕賣卜於成都市日
得百錢自給卜訖則閉肆下簾以著書為事漢書楊雄
贊雄校書天祿閣上治獄事使者來欲收雄雄恐不能
自免廼從閣上自投下幾死葬聞之曰雄素不與事何
故在此間請其故廼劉棻嘗從雄學作奇字雄不知情
有詔勿問然京師為之語曰惟寂寞自投閣爰清靜作
符命雄以病免復召為大夫家素貧者酒人希至其門
時有好事者載酒肴從游學而鉅鹿侯芭常從雄居受
其太元法言焉陳遵傳楊雄作酒箴以諷諫成帝其文
為酒客難法度士譬之於物曰子猶瓶矣觀瓶之居居
井之眉處高臨深動常近危酒醪不入口臧水滿懷不
得左右牽於纆繳一旦車碾為甕所軋身提黃泉骨肉

為泥自用如此不如鴟夷鴟夷滑稽腹大如壺盡日盛酒入復藉沽常為國器託於屬車出入兩宮經營公家由是言之酒何過乎

其十五

子陵江海客本非沮溺倫仁義立奇論豈果忘吾民狂奴作故態飄然歸富春客星犯帝座太史奏天文故人信符識三公等浮雲

後漢書逸民傳嚴光字子陵少與光武同遊學及光武即位光隱身不見帝思其賢乃令以物色訪之後齊國上言有一男子披羊裘釣澤中帝疑其光乃遣使聘之三反而後至司徒侯霸與光素舊遣使奉書光乃投札與之口授曰懷仁輔義天下悅阿諛順旨要領絕霸得書封奏之帝笑曰狂奴故態也車駕即日幸其館撫光腹曰咄咄子陵不可相助為理耶復引光入因共偃卧光以足加帝腹上明日太史奏客星犯帝坐甚急帝笑

曰朕故人嚴子陵共卧耳除為諫議大夫不屈乃耕於富春山通鑑光武紀帝好圖讖又帝方以吏事責三公

其十六

武丁夢良弼審象極冥搜光武思故人物色在羊裘彭城有處士君恩賁林邱股肱不為用顏色徒相求

書說命夢帝賁予良弼其代予言乃審厥象俾以形旁求于天下說蔡傳嚴之野惟肖後漢書姜肱彭城人桓帝下彭城使畫工圖其形狀肱卧於幽闌以被輜面言感眩疾不欲出風工竟不得見之

其十七

董卓劫慈明次以及伯喈子龍獨何人談笑却嗟嗟高視梁碭上片雲卷而懷古來高世士塵埃豈能埋

後漢書荀爽字慈明董卓徵之爽欲遁命吏持之急不得去因就拜又蔡邕字伯喈董卓辟之稱疾不從卓大

怒詈曰我力能族人蔡邕遂偃蹇者不旋踵矣又切勅
州郡舉邕詣府邕不得已到署祭酒又申屠蟠字子龍
再舉有道不就乃絕迹於梁碭之間因樹為屋自同傭
人董卓廢立蟠及爽等俱徵惟蟠不到居無何爽等為
卓所脅迫惟蟠處亂末終全高志注梁國
有碭縣居蓬萊之室依桑樹以為棟也

其十八

襄陽有高士生產不曾治何以遺妻子鹿門有深期籍籍

齒牙論龍鳳名諸兒諸葛拜床下可是圯橋師

後漢書龐公者襄陽人居峴山之南未嘗入城府荊州
刺史劉表數延請不能屈乃就候之表曰先生苦居猷
畝而不肯官祿後世何以遺子孫乎德公曰世人皆遺
之以危今獨遺之以安雖所遺不同未為無所遺也後
遂携其妻子登鹿門山因採藥不返通鑑劉備訪士於
襄陽司馬徽徽曰此間有伏龍鳳雛備問為誰曰諸葛
孔明龐士元也襄陽記諸葛孔明每
至德公家獨拜床下德公初不令止

其十九

孔公薦一鶚義烈爭秋霜矢心報知己討賊尊天王漁陽
搃英憤夫豈病悖狂營門三尺稅音脫殺氣披撓槍

後漢書禰衡字正平孔融上疏薦之曰鶚鳥累伯不如
一鶚融數稱述於曹搃欲見之而衡素相輕疾數有
恣言搃聞衡善擊鼓乃召為鼓吏因大會賓客次至衡
衡方為漁陽參撓蹀躞而前容態有異聲節悲壯搃笑
曰本欲辱衡衡反辱孤融復見搃說衡狂疾今求得自
謝搃喜勅門者有客便通待之極晏衡乃著布單衣疎
巾手持三尺棧杖坐營門以
杖箠地大罵說文棧大杖也

其二十

會稽嵇叔夜才氣浩不群平生癖於鍛餘好在琴尊不如
一長嘯携琴學蘓門可憐廣陵散奇弄今無聞

晉書嵇康傳康字叔夜其先會稽上虞人康有奇才遠邁不群至汲郡山中見孫登遂從之避康臨去蔡曰君性烈而才雋其能免乎山壽康自代乃與書曰獨西一杆彈琴一曲志意畢矣性絕巧而好鍛宅中有一柳樹每夏月居其下以鍛呂安服康高致每一相思輒千里命駕後安以事繫獄詞相證引遂收康康將刑東市顧視日影索琴彈之曰昔袁孝尼嘗從吾學廣陵散吾每靳固之廣陵散於今絕矣阮籍傳籍於蕪門山遇孫登因長嘯而退至半嶺聞有聲若鸞鳳之音響乎巖谷乃登之嘯也

其二十一

汝南許文休喪亂一駕士敢當諸葛拜合受元德鄙士論

推指南無乃失減否乃知郡公疑當作功曹排擯有公是

蜀志許靖字文休汝南平輿人與從弟劭俱知名並有人倫臧否之稱而私情不協劭為郡功曹排擯不得齒叙又靖與曹公書曰驚怯偷生自竄蠻貊又南陽宋仲子於荊州與蜀郡太守王商書曰文休個儻瑰瑋有當

世之具足下當以為指南又靖愛樂人物誘納後進清
談不倦丞相諸葛亮皆為之拜魏志許汜與劉備俱在
荊州汜曰昔遭亂過下邳見陳元龍不相與語自卧上
床使卧下床備曰君有國士之名今天下大亂君宜憂
國忘家而君求田問舍是元龍所諱何當與君語如
備則卧百尺樓上卧君於地下何但上下床之別

其二十二

知子石司徒分財靳齊奴諸仲財不如財窮東市誅吁嗟

石司徒知子良不愚

晉書石苞傳苞以威惠服遠詔以苞為司徒幼子崇小
名齊奴苞臨終分財物與諸子獨不及崇其母以為言
苞曰此兒雖小後能自得崇在荊州劫遠使商客致富
不貲後趙王倫孫秀矯詔收崇車載詣東市崇乃嘆曰
奴輩利吾家財

其二十三

洛陽輕薄子挾彈走春嬉結交金谷友諂事賈午兒蔑棄
慈母訓乾沒不知幾感已賦閒居猶以拙自悲

晉書潘岳傳岳少時常挾彈出洛陽道婦人遇之者皆
連手縈遠投之以果遂滿車而歸又岳性輕躁適世利
與石崇等諂事賈謐每候其出輒望塵而拜其母數諄
之曰爾當知足而乾沒不已乎岳終不能改既仕宦不
達乃作閒居賦曰仰衆妙而絕思終優游以養拙賈午
賈充女韓壽妻也謐韓壽子充不立後充妻郭槐以外
孫韓謐襲封帝許之

其二十四

彈琴戴安道焦桐破奇聲蔚宗與文季俱以琴自鳴天子
不得屈王公不能聆獨憐褚司徒銀柱老齊伶

晉書戴逵傳逵字安道能鼓琴太宰武陵王晞使人召
之逵對使者破琴曰戴安道不為王門伶人宋書范蔚

宗傳蔚宗善琵琶能為新聲上欲聞之屢諷以微旨蔚宗偽若不曉終不肯為上彈上嘗宴飲歡適謂蔚宗曰我欲歌卿可彈蔚宗乃奉旨上歌既畢蔚宗亦止絃南齊書沈文季傳文季風采稜岸善於進止司徒褚淵當世貴望頗以門戶裁之文季不為之屈後豫章王北宅後堂集會文季與淵並喜琵琶酒闌取樂器為明君曲文季便下席大唱曰沈文季不能作伎兒南史褚彦回傳建元元年進位司徒彦回讓司徒乃與僕射二年重申前命為司徒彦回善彈琵琶齊武帝在東宮宴集賜以金縷柄銀柱琵琶性和雅有器度然世頗以名節議之於是百姓語曰可憐石頭城寧為袁粲死不作彦回生

其二十五

我愛王懷祖面壁售人罵不比少掾時瞑目答米價褊中頗有容坦之詎能過桓桓大將軍漢業在出跨

晉書王述傳述字懷祖又述性急為累既躋重位每以柔克為用傳奕性麤常忿述怪言罵之述無所應面壁

而已又述年三十尚未知名人或謂之癡司徒王導以
門第辟為中兵屬既見無他言惟問以江東米價述但
張目不答導曰王掾不癡人何言癡也又述每受職不
為虛讓子坦之諫以為故事應讓述曰汝謂我不堪耶
坦之曰非也但克讓自美事耳述曰既云堪何為復讓
人言汝勝我定不及也周書尚桓桓威武貌史記淮陰
侯列傳淮陰屠中少年有侮信者曰信能死刺我不能
死出我袴下於是信熟視之俛出袴下蒲伏

其二十六

青青五柳宅貧無三徑資元叅建威慕為貧良亦非彭澤
八十日胡為遽來歸乃知決然逝非為鄉里見首惡王休
元酒亦無所辭華軒欲載我我心詎能違

晉書隱逸傳潛少懷高尚嘗著五柳先生傳以自況以
親老家貧起為州祭酒後為鎮軍建威叅軍謂親朋曰
聊欲絃歌以為三徑資可乎執事者聞之以為彭澤令
郡遣督郵至吏白應束帶見之潛嘆曰吾不能為五斗

折腰事鄉里小人解印去縣乃賦歸去來辭刺史王宏
以元熙中臨州造馬潛稱疾不見乃遣其故人寵通之
等齋酒先於半道邀之潛遇酒便引酌宏乃出與相見
遂歡宴窮日宏要之還州乘籃輿言笑賞適不覺其有
羨於華軒也親朋或載酒肴而往潛亦無所辭陶潛歸
去來辭序仲秋至冬在官八十餘日因事順心命篇曰
歸去來辭李白詩陶令八十日長歌歸去來宋書王宏
傳字休元少帝景平二年徐羨之等謀廢立召宏入朝
太祖即位以完策安社稷進位司空

其二十七

王湛蓄器深世人不能窺大慧實若愚人遂以為癡可憐
濟父子同門不識之何況隔千里而欲求人知

平書王湛傳湛初有隱德人莫能知兄弟宗族皆以為
癡兄子濟輕之嘗詣湛見牀頭有周易濟請言之湛因
剖析元理微妙有奇趣濟乃嘆曰家有名士三十年而
不知濟之罪也還白其父曰濟始得一叔乃濟以上人

也

其二十八

羲之在東床風操夙所稱藍田譽輒重胡乃意不平出弔
屈在我反惡固其情以此悻悻死無異匹婦輕

晉書王羲之傳羲之字逸少司徒導之從子也太尉郗
鑒使門生求女壻於導導令就東廂徧觀子弟門生歸
謂鑒曰王氏諸少並佳然聞信至咸自矜持惟一人在
東床坦腹食獨若不聞鑒曰此正佳壻訪之乃羲之也
又王述少與羲之齊名而羲之甚輕之由是情好不協
述先為會稽以母喪居郡境羲之代述止一弔遂不重
詔述每聞角聲謂羲之當候已輒灑埽待之而羲之竟
不顧述深以為恨及述蒙顯授羲之內懷愧歎謂其諸
子曰吾不減懷祖而位過懸邈當由汝等不及坦之故
耶述後檢察會稽郡辦其刑政主者疲於簡對羲之深
恥之遂稱病去郡於父
母墓前自誓不復出仕

其二十九

韓信卜母地旁置萬人廬郭公卜隣水長洲偶成墟千秋
楊子寔投棄同江魚裸髮何為者厭魅開簾篠一作群愚孰借
神丁火焚却青囊書

史記淮陰侯贊韓信母死貧無以葬然乃行營高敞地
令其旁可置萬家晉書郭璞傳璞母卜葬於暨陽去水
百步許人以近水為言璞曰當即為陸矣其後沙漲去
墓數十里皆為桑田又璞素與桓彝友善每造之或
值璞在婦問徑入璞曰卿來他處自可徑前但不可廁
上相尋耳必客主有殃彝後因醉詣璞正逢在廁掩而
觀之見璞裸身被髮銜刀設馭璞見彝撫心大驚曰吾
每屬卿勿來反更如是非但禍吾卿亦不免又有郭公
者客居河東精於卜筮璞從之受業公以青囊中書九
卷與之由是遂洞天文五行卜筮之術璞門人趙載嘗
窈青囊書未及讀為火所焚按郭璞墓在楊子
江金山晉語籊篠不可使俛韋昭解籊篠偃人

其三十

郭麐精術數知晉必亡秦逃秦遠歸晉追兵殺亡臣洛陽
牛背叟讀書孝其親涼州未經破先歸忽如神術人不靈
已哲士固全身

麐奴昆切晉書藝術傳郭麐西平人也少明式易戰敗
奔乞伏乾歸乾歸敗入姚興麐以滅姚者晉遂將妻子
南歸為追兵所殺姚襄傳國
歸大秦姚興傳襄之長子也

其三十一

騷雅去已久宮體爭哇淫洛陽風一變枳性隨人心鄉關
思蕭瑟作賦哀江南

任叶

調入金釵臂亡國有餘音

通鑑東海徐摛文體輕麗可愛時人謂之宮體古今源
流深簡文帝賦詩號宮體北史庾信位望通顯常有鄉

關之思乃作
哀江南賦

其三十二

嘗疑王孝子素履朴且莊門生服縣役徑行想不揚孝子
躬饁具罄折在道旁門生役已脫詭道由此行

王隱晉書王褒門人為本縣所役求褒為屬褒曰卿學
不足以庇身吾德薄不足以蔭卿屬之何益乃步擔乾
飯兒負鹽鼓門徒從者千餘人安邱令以為見已整衣
出迎之於門褒乃下道至土牛罄折而立云門生為縣
所役故來送別執手涕
泣而去令即放遣諸生

其三十三

鄭州跛男子識者惟客師深沉有容量不為同列知嚙面
戒其弟俛世一何卑君看白水澗抹額宣駕資

新唐書方技傳袁天綱子客師嘗渡江叩舟而還左右請故曰舟中人鼻下氣皆墨不可以濟俄有一男子跛而負直就舟客師曰貴人在吾可以濟江中風忽起幾覆而免跛男子乃婁師德也婁師德傳字宗仁鄭州原武人會募猛士討吐蕃乃自奮戴紅抹額來應詔與虜戰白水澗八遇八克師德深沉有度量其弟守代州辭之官教之耐事弟曰人有唾面絜之而已師德曰未也絜之是違其怒正使自乾耳

其三十四

世疑狄文惠不知婁師德婁公吾不賢此意人不識古來

嫌忌間吾道憂比迹

狄仁傑傳謚曰文惠婁師德傳狄仁傑未輔政師德薦之及同列數擠令外使武后曰朕用卿師德薦也出其奏仁傑慙已而嘆曰婁公盛德我為所容乃不知吾不逮遠矣

其三十五

開元劉神童名字瑞一時文學不濟世鞭算競刀錐招權
啖士口使不得有訾任數不任道興利固如斯

唐書劉晏八歲元宗封泰山獻頌行在帝奇其幼命宰相張說試之曰國瑞也即授太子正字公卿愛之邀請旁午號為神童名震一時又晏能權萬貨輕重每朝謁馬上以鞭算事無開劇即日剖決然惟晏能之他人不能也頗任數固思四方知名士有口舌者率以啖之使不得有所訾短

其三十六

小兒賀季真棄官亦棄宅遠謁王道者去問術黃白何物
袖中藏去道萬里隔

陸游詩大兒嚴子陵小兒賀季真新唐書隱逸傳賀知章字季真越州永興人天寶初病夢遊帝居數日寤乃請為道士還鄉里詔許之以宅為千秋觀而居原化記賀知章謁賣藥王老問黃白術持一大珠遺之老人即

以易餅賀心惜之老叟
曰慳吝未除術何由成

其三十七

嚴家兒八歲殺父姬嚴家父稱奇養成虎豺惡腐儒弄虎
髭嗟吁豺虎天早斃七十慈母免官婢

新唐書嚴武傳母裴不為挺之所容獨厚其妻英武始
八歲奮然以鐵錐就英寢碎其首左右驚白挺之曰即
戲殺英武曰安有大臣厚妾而薄妻者兒故殺之非戲
也父奇之曰真嚴挺之子又章彝始為武判官因小忿
殺之琰以故相為巡內刺史武慢倨不為禮最厚杜甫
然欲殺甫數矣李白為蜀道難為房與杜危之也永泰
初卒母哭且曰而今而後吾知免為官婢矣

其三十八

姚家有裨將腰佩雙青萍青萍夜脫匣忽殺程務盈為書

報殺狀伏劍自刑吁嗟古義士豈復數荊卿

新唐書姚南仲傳南仲拜義成節度使監軍薛盈珍恃權撓政不能逞因毀南仲於朝德宗惑之俄遣小使程務盈誣表以罪會南仲裨將曹文洽入奏知其語則晨夜追至長樂驛及之與同舍夜殺務盈投其誣於廁為二書一抵南仲一治南仲寬且言自殺務盈狀乃自殺

其三十九

厚施而薄望郭解愧朱家大唐郭氏子手劍寒奸邪賻金四十萬主名不知夸結客豪俠場此客實無加

史記游俠傳朱家所藏活豪士以百數其餘庸人不可勝言然終不伐其能歆其德諸所嘗施惟恐見之又郭解年長更折節為俠以德報怨厚施而薄望然其自喜為俠益甚新唐書郭震傳震字元振以字顯為太學生家送資錢四十萬會有緣服者叩門自言五世未葬願假以治喪元振舉與之無少吝一不質名氏為通泉尉

任使使氣武后知所為名欲詰既與語
奇之索所為文章上寶劍篇后覽嘉歎

其四十

昨日滿頭花堂上爭春妍今朝大風起花落玉津園舊地
易淮陝取馘諧戎門可憐於期首不謝永州魂

杭州府志玉津園在州城南龍山側宋孝宗於此講射
禮網目續編宋寧宗慶元元年竄故相趙汝愚於永州
韓侂胄忌汝愚必欲寘之死汝愚至衡州病作衡守錢
登承侂胄密諭窘辱百端汝愚暴薨天下聞而冤之又
開禧三年禮部侍郎史彌遠誅韓侂胄於玉津園詔暴
侂胄罪惡於中外侂胄嬖妾皆封郡國夫人及籍其家
多棄與服御之飾其僭紊極矣又嘉定元年王柟還自
汴金生完顏匡移書索韓侂胄首以贖淮南地上從
吏部尚書樓鑰議命臨安府新館取首梟之兩淮函付
王柟送金師以易淮陝侵地戰國策荆軻奉樊於期之
函頭

其四十一

東人送降欵西人納降城長沙李太守誓死城不盟高樓
一舉火老穉同焦冥

宋史李芾傳元兵以除夕登城芾名懷下沈忠諭曰吾
分義當死第不可辱及吾家汝可盡殺家人而後及我
取酒飲家人醉乃徧刃之芾
亦引頸受刃縱火焚其居

其四十二

要離燕妻子大盜空古名戕戕南文山光緒日月青婦義
終一黜臣道無改更寧戴一天死不載二地生尚憐廣西
弟有愧顏家兄

要離見卷四要離塚綱目續編元世祖十九年十二月
殺宋少保樞密使信國公文天祥義士張毅甫負天祥

骸骨歸葬吉州通鑑文天祥以弟璧及母在惠州乃趙
之行收兵出海豐縣唐書忠義傳顏杲卿字昕其卿從
兄也常山城陷脇使降不應縛之天津橋桂節解之
罵不絕口賊斷其舌含糊而絕按文山弟後降元

樓 杏鈞五校